

Minnisblað til sveitarstjórnar vegna flóða á Siglufirði

Þann 31. ágúst fóru framkvæmdastjóri og byggingarverkfræðingur Viðlagatryggingar Íslands til Siglufjarðar til samráðs og undirbúnings við skipulag tjónamats.

Skv. 2. mgr. 5. gr. laga nr. 55/1995 nær bótaskylda Viðlagatryggingar Íslands á opinberum mannvirkjum til eftirtalinna mannvirkja þó að þau séu ekki brunatryggð:

1. Hitaveitur, vatnsveitur og skulpveitur í eigu sveitarfélaga eða ríkissjóðs.
2. Hafnarmannvirki í eigu sveitarfélaga eða ríkissjóðs.
3. Brýr sem eru 50 m eða lengri.
4. Raforkuvirki, þar á meðan dreifikerfi, stíflur og veitumannvirki, í eigu hins opinbera.
5. Síma- og fjarskiptamannvirki í eigu hins opinbera.
6. Skíðalyftur.

Matsmenn frá Verkís með sérþekkingu á fráveitukerfum voru fengnir til að meta tjón á fráveitukerfunum á Siglufirði og kom annar þeirra á staðinn síðdegis í gær. Hann fór ásamt byggingarverkfræðingi Viðlagatryggingar Íslands, byggingartæknifræðingi Fjallabyggðar og bæjarverkstjóra Fjallabyggðar til að skoða og leggja mat á ástand lagnanna. Auk þess var farið yfir þær aðgerðir sem gripið hefur verið til í þeim tilgangi að forða frekara tjóni á lögnunum. Mikið kapp hefur verið lagt á að hreinsa burt sand, grjót og leir sem barst inn í fráveitukerfið til að koma í veg fyrir að leirinn harðni og stífli og/eða skerði flutningsgetu fráveitukerfanna með ófyrirséðum afleiðingum.

Til að meta tjón á fasteignum og lausafé eru komnir fjórir matsmenn á staðinn, allt reyndir aðilar sem starfað hafa hjá Sjóvá og VÍS í fjölda ára. Þeir hófu úthringingar til aðila sem tilkynnt hafa tjón síðdegis í gær og hafa þegar farið í nokkrar tjónaskoðanir.

Umfang vátryggðs tjóns:

Tjón á fasteignum og lausafé á Siglufirði fellur undir bótaskyldu Viðlagatryggingar Íslands. Viðlagatrygging Íslands vátryggir allar fasteignir og lausafé sem brunatryggt er hjá vátryggingafélagi sem starfsleyfi hefur hér á landi.

Tjón á fráveitu sveitarfélagsins fellur undir bótaskyldu Viðlagatryggingar Íslands. Þegar vátryggingaratburðurinn hefur gerst eða bein hættu er á því, að hann muni að höndum bera, ber vátryggðum að reyna af fremsta megni að afstýra tjóninu eða draga úr því. Vátryggingin nær til tjóns og kostnaðar, sem vátryggður hefur af ráðstöfunum til að varna tjóni. Aðgerðir sveitafélagsins sem komu í veg fyrir tjón sem annars hefði orðið mun umfangsmeira fellur hér undir. Aðgerðirnar náðu til hreinsunar á frárennislögnum og vinnu við gerð varnargarðs til að koma Hvanneyrará í réttan farveg við Fossveg, föstudaginn 28. ágúst 2015.

Minnisblað til sveitarstjórnar vegna flóða á Siglufirði

Matsmenn Verkís vinna nú að kostnaðarmati og matsgerð vegna þessa.

Umfang tjóns sem fellur utan bótaskyldu:

Tjón sem orðið hefur á götum og vegræsum falla ekki undir vátryggð tjón hjá Viðlagatryggingu Íslands skv. 2. mgr. 5. gr. laga nr. 55/1992.

Í þeim miklu vatnavöxtum sem urðu í Hvanneyrará höfðu vegræsin undir Hólaveg og Fossveg ekki undan. Það leiddi til þess að göturnar rofnuðu með tilheyrandi tjóni á götum og vegræsum.



Mynd 1 - Gatan hefur skolast burt við Hólaveg

Við Fossveg má sjá hvernig grófri mól hefur verið ýtt upp til að beina Hvanneyrará aftur í réttan farveg í þeim tilgangi að lágmarka tjón.



Mynd 2 - Efnið úr veginum við Fossveg hefur skolast burt


Minnisblað til sveitarstjórnar vegna flóða á Siglufirði

Vatnið sem ruddi sér leið frá veginum við Fossveg og upp úr farvegi sínum niður brekkuna og yfir bílapanið við heilbrigðisstofnunina olli umtalsverðum skemmdum á bílapaninu. Eins og sjá má á meðfylgjandi mynd flutti áin sig yfir á bílastæðið og leit svona út um miðjan dag, föstudaginn 28. ágúst 2015.



Mynd 3 - Ástandið á bílastæðinu við heilsugæslustöðina áður en tókst að koma stjórn á rennslið aftur

Á mynd 4 sést hvernig hellulögnin á bílastæðinu lítur út þar sem vatnið fossaði yfir stéttina, með þeim afleiðingum að mól og sandur skolaðist undan hellulögninni. Þetta tjón fellur ekki undir bótaskyldu Viðlagatryggingar Íslands.



Mynd 4 - Hellulögnin eftir að búið var að ná stjórn á aðstæðum

Minnisblað til sveitarstjórnar vegna flóða á Siglufirði

Í útjaðri bæjarins, bæði að norðan og sunnan eru tjarnir sem útbúnar voru í tengslum við gerð snjóflóðagarðanna. Báðar tjarnirnar urðu fyrir aurskriðum með þeim afleiðingum að þær grynnguðu verulega. Þetta tjón fellur ekki undir bótaskyldu Viðlagatryggingar Íslands.



Mynd 5 - Tjörn norðan Siglufjarðar



Mynd 6 - Tjörn sunnan Siglufjarðar

Minnisblað til sveitarstjórnar vegna flóða á Siglufirði

Rétt er að ítreka að lausafé sem ekki er brunatryggt hjá váttryggingafélagi sem starfsleyfi hefur hér á landi, sbr. 1. mgr. 5. gr. laga nr. 55/1992, fellur utan bótaskyldu Viðlagatryggingar Íslands. Upptalning á opinberum mannvirkjum sem falla undir bótaskyldu Viðlagatryggingar Íslands í 2. mgr. 5. gr. laganna er tæmandi.

Reykjavík, 1. september 2015

Hulda Ragnheiður Árnadóttir

Halldór Frímannsson

Jón Örvar Bjarnason